

Bosna i Hercegovina
Federacija Bosne i Hercegovine
Hercegovina
ZENIČKO-DOBOJSKI KANTON
OPĆINA MAGLAJ



Bosnia and Herzegovina
Federation of Bosnia and
ZENICA – DOBOJ CANTON
MAGLAJ MUNICIPALITY

INFORMACIJA
Informacija o NVO na području općine Maglaj,
za 2020/2021 godinu

Obrađivač:

- Služba za boračko-invalidsku i socijalnu zaštitu, društvene djelatnosti i opću upravu
- Služba za privredu, finansije/financije i razvoj poduzetništva

novembar 2021. godine

Na osnovu Plana i programa rada Općinskog vijeća Maglaj za 2021.godinu („Službene

novine Općine Maglaj,, broj 2/21) planirana je i tačka „Informacija o NVO za 2020/2021.godinu na teritoriji općine Maglaj, a koja se sufinansiraju iz Budžeta Općine Maglaj“, te je shodno navedenom Služba izradila informaciju, a za izradu iste korišteni su podaci dobijeni od udruženja, podaci kojima raspolaže organ uprave iz ranijih izvještaja, te podaci iz Projektnih prijedloga tokom predaje Projekata udruženja po Javnom pozivu općine Maglaj.

Napominjemo da informacija tretira samo one NVO na općini sa čijim podacima raspolaže Služba kao predlagač materijala i sa kojima općina ima saradnju i čije su projektne aktivnosti jednim dijelom sufinansirane ili finiansirane iz Budžeta općine Maglaj.

Rad udruženja građana u 2020. pa i 2021. godini jednim dijelom se vezuje i za učešće općine u projektu ReLOaD (regionalni projekat kojeg finansira Evropska unija (EU), a implementira Razvojni program Ujedinjenih nacija UNDP-a) i rezultatima koji su iz njega proistekli.

Rad nevladinog sektora u Bosni i Hercegovini regulisan je entitetskim i državnim zakonodavstvom. Na nivou BiH 2001. godine je usvojen Zakon o udruženjima i fondacijama, a na nivou Federacije BiH u martu 2002. godine. Pomenuti zakoni su usklađeni sa principima savremenih demokratskih društava. Broj registriranih udruženja se uvećava, ali se uporedo zbog nerada određeni broj njih i gasi. Registracija novih udruženja olakšana je Federalnim zakonom u kojem se u članu 11. propisuje da udruženje mogu osnovati tri fizička ili pravna lica ali se uporedo većina njih već na samom početku susreće sa problematikom u radu isključivo zbog nedostatka finansijskih sredstava za rad, te prostora za rad i funkcionisanje udruženja.

Služba za boračko-invalidsku i socijalnu zaštitu, opću upravu i društvene djelatnosti ne raspolaže sa tačnim podacima koliko NVO egzistira na općini Maglaj, jer koliko imamo informacija koja su udruženja aktivna i koordiniraju sa općinom toliko njih egzistira bez da koordiniraju u svom radu sa općinom, a određeni broj njih je i ugašen, odnosno neka udruženja čak više i ne postoje, ali nisu brisana iz registra.

Stanje na području općine, kada je u pitanju rad NVO nastojimo dodatno urediti sa Kriterijima za finansiranje nevladinih organizacija i udruženja građana gdje se želi nametnuti NVO-ima da poštuju sistem planskog i programskog pristupa u radu i omogućiti mehanizme razlikovanja između onih koji su samo registrovani i onih koji rade. Sa primjenom ovih kriterija došlo je do većeg nadzora nad radom udruženja i bržeg prepoznavanja onih udruženja koja ne rade. Tako se na javnom pozivu za finansiranje projekata u 2020. i u 2021. godini udruženja koja nisu dovoljno aktivna nisu ni prijavila.

Treba napomenuti da udruženja prema oblasti djelovanja su vrlo raznolika, jer jedno udruženje vrlo često djeluju u više oblasti. Na osnovu raspoloživih podataka NVO koje aktivno djeluju na području Općine Maglaj, i koje su uspotavili svoju saradnju sa Općinom Maglaj u realizacijih svojih aktivnosti, možemo svrstati u sljedeće kategorije:

BORAČKA UDRUŽENJA

- Udruženje porodica šehida i poginulih boraca
- Udruženje ratnih vojnih invalida
- Unija veterana jedinstvene organizacije boraca
- Udruženje civilnih žrtava rata
- UABNOR
- Udruženje bivših logoraša
- Udruženje nosilaca najvećih ratnih priznanja

- Udruženje dragovoljaca domovinskog rata HVO
- Put spasa Čobe – Željezno polje
- Udruženje boraca „327.V“

Sva su aktivna.

SPORTSKA UDRUŽENJA

- NK Natron
- NK Novi Šeher
- NK Moševac
- NK Vis Simm Bau
- Odbojkaški klub
- Košarkaški klub
- Rukometni klub
- SportinoMa
- Kajak kanu klub
- Sportsko ribolovni klub „Bosna“
- PSD Smajlovac
- SRPD Oaza Mira
- UG SLD “Soko“
- Društvo pedagoga fizičke kulture Maglaj
- UG ekstremnih sporova „Jastreba“

Invalidski Sportki klubovi

- Invalidski odbojkaški klub
- Savez za sport i rekreaciju invalidnih lica
- Streljaki invalidski klub

Sva su aktivna.

UDRUŽENJA U DRUŠTVENIM OBLASTIMA

- UG „Gradski mješoviti hor“ Maglaj
- UG „Fojničani“
- UG „Gradski folklorni ansambl“ Maglaj
- HKUD „Gromovnik“
- UG „Cicmanke“
- UG „Eko pokret“ Maglaj
- UG „Mreža mladih“ Kopice
- UG „Sub castro nostro“ Maglaj
- UG u borbi protiv dijabetesa

Sva su aktivna.

UDRUŽENJA U POLJOPRIVREDNOJ PRIVREDNOJ OBLASTI

- UG za uzgoj i zaštitu sitnih životinja
- UG Jedinstvo
- UG Cow how
- UG Pčelara
- UG Agro Liješnica
- UG Agro Eko Behar
- Zemljoradnička zadruga „Milk Maglaj“
- Zemljoradnička zadruga „Kula“
- UG „Eko prijatelji“ Bočinja

Sva su aktivna.

UDRUŽENJA OSNOVANA	- Udruženje penzionera
ZA ZAŠTITU INTERESA	- Udruženje građana invalida rada
ODREĐENIH KATEGORIJA	- Crveni krst Maglaj
STANOVNIŠTVA	- MDD Maglaj

Sva su aktivna.

Obzirom da se rad i funkcionisanje boračkih udruženja razmatrao kroz njihove Izvještaje o radu i programe rada, te da će se rad i funkcionisanje Sportskih udruženja – klubova razmatrati kroz Informaciju o sportu i stanju sportskih objekata na općini Maglaj, kao i udruženja u oblasti privrede i poljoprivrede kroz stanje privrede i poljoprivrede na općini Maglaj, ova Informacija ima za cilj informisanje o NVO na općini Maglaj u oblasti društvenih djelatnosti i oblasti humanog rada odnosno rad udruženja osnovanih radi ostvarivanja interesa određenih kategorija stanovništva u oblasti civilnog sektora.

Napominjemo, rad svih udruženja i u 2021.godini bio je otežan zbog situacije izazvane pandemijom COVID-19. Bez obzira što je stanje prirodne nesreće prestalo krajem maja 2020.godine, i dalje su na snazi ostale mjere koje otežavaju rad udruženja, obzirom da je još uvijek na snazi stanje epidemije u federaciji BiH.

I - Udruženja koja imaju za cilj promocije i pružanja pomoći određene kategorije stanovništva u oblasti civilnog sektora:

1. Udruženje penzionera

Udruženje penzionera radi već 60 godina na dobrovoljnoj bazi. Po zadnjim podacima dobijenih od udruženja, broje preko 2000 članova a rad je organizovan na području cijele općine. Osnovni ciljevi i zadaci udruženja odnose se na pružanje pomoći svojim članovima da lakše ostvare prava prije svega iz oblasti penzijsko-invlidskog osiguranja a kasnije i zdravstvene i socijalne zaštite, a takođe i u oblasti kulturnog i humanitarnog djelovanja.

Na području cijele općine udruženje ima svoje povjerenike pomoću kojih se nastoji osigurati informacija, a kasnije i djelovati za pomoć najugroženijim penzionerima koliko je to u objektivnoj mogućnosti samog udruženja. Prihodi koji se ostvaruju su isključivo iz članarine i sredstava dobijenih od općine, a ista se koriste za pomoć prilikom smrti člana udruženja, pomoć radi ublažavanja teške materijalne situacije, pomoć pri nabavci lijekova.

Ostatak novčanih sredstava (1/3) utoše se na redovan rad udruženja te pripreme sjednica Upravnog odbora, Skupštine i sl.

Pored ovoga udruženje na banjско lijećenje pošalje određeni broj svojih članova, a troškove snosi PIO i sam Savez UP/ UFBiH.

Za sve članove udruženja organizuju se i ekskurzije a sve u cilju druženja i boljeg upoznavanja same problematike članova udruženja kako bi se na vrijeme moglo djelovati za pomoć.

2. Udruženje građana Invalidi rada

Udruženje građana Invalida rada je organizacija koja djeluje na nivou Federacije BiH a samim tim i općine Maglaj. Osnovni zadatak ovog udruženja je unapređenje prava i interesa invalida rada. Obzirom da se iz prakse moglo svakodnevno vidjeti stalno kršenje i umanjeње prava invalida rada od strane poslodavaca, pa i prilikom donošenja određenih zakona udruženje nastoji da na vrijeme reaguje i eventualno spriječi bilo kakvu aktivnost koja dovodi do smanjenja prava samih invalida rada.

U svom radu saraduje sa Ministarstvom rada i socijalne politike ZDK, Sindikatом rada kao i svim ostalim javnim ustanovama i institucijama koje u svom radu mogu doprinjeti boljem položaju invalida rada.

Ono na što posebno potenciraju je usvajanje jedinstvenih Kriterija o ocjenjivanju invaliditeta, bez obzira na uzrok invaliditeta čije stupanje na snagu prema njihovim informacijama osporava Institut za medicinsko vještačenje FBiH.

Sredstva za rad udruženja se obezbjeđuju isključivo iz Budžeta općine, što je nedovoljno za troškove redovnog rada, a posebno za moguću dodjelu pomoći najugroženijim invalidima rada.

Ono na čemu udruženje intenzivno radi odnosi se na aktivnom učešću u procesu donošenja izmjena i dopuna Zakona o rehabilitaciji, osposobljavanju i zapošljavanju invalida rada, a svakako će se nastojati obavljati razgovori sa poslodavcima o mogućnostima zapošljavanja invalida rada shodno poslovima koji su u njihovoj mogućnosti.

3. Crveni krst Maglaj

Crveni krst Maglaj je organizacija koja djeluje i radi u sklopu mreže Društvo Crvenog krsta.

U skladu sa svojim zakonskim i statutarnim ovlaštenjima provodi aktivnosti u oblasti institucionalnog i organizacionog razvoja, zdravstvene i socijalne djelatnosti, službe traženja, pripravnosti u slučaju prirodnih nesreća, u oblasti programa svjesnosti postojanja mina, te rad sa mladim članovima i aktivnostima koje se zasnivaju kao tradicionalne za ovu organizaciju.

Posebno se nastoji pomoći starim i iznemoglim licima, licima u stanju socijalne i druge pomoći, invalidima, povratnicima, nezaposlenim građanima bez osnovnih egzistencionalnih potreba, odnosno pružanju konkretne humanitarne pomoći. Da bi u tome uspjeli jednim dijelom su angažovani i na edukaciji postojećih članova odnosno omasovljavanju članstva sa novim članovima. U tom cilju, a ujedno i u cilju otklanjanja subjektivnih slabosti u radu CK radi se na usavršavanju intenziteta rada svih komisija za nadzor i izvještavanje. Ono što doprinosi boljem radu udruženja je svakako i donošenje Zakona o krvi i krvnih sastojaka te su time stvorene pretpostavke za unapređenje aktivnosti u oblasti dobrovoljnog davanja krvi. Kako bi se on unaprijedio dalji zadaci udruženja su donošenje Plana prkupljanja krvi na prostoru općine Maglaj, a sve u cilju postizanja boljeg kvaliteta saradnje građana – CK – transfuzije.

4. MDD Merhamet

Prethodnih godina održavana je intenzivna saradnja sa općinom Maglaj, domaćim i stranim humanitarnim organizacijama, osnovnim i srednjim školama, te sa javnim ustanovama i institucijama koje djeluju na općini Maglaj, a sve sa ciljem obima i kaliteta aktivnosti i što kvalitetnijeg pružaja usluga socijalno ugroženim porodicama i korisnicima narodne kuhinje.

Kada je u pitanju rad kuhinje on se odnosi na obezbjeđenje redovnih obroka korisnicima kuhinje što na godišnjem nivou iznosi preko 46.000 obroka. Dalje aktivnosti se odnose na obezbjeđenje odjeće, obuće, prehrambenih artikala. Radi boljeg rada i funkcionisanja nabavljeno je i jedno vozilo za potrebe javne kuhinje i potrebe realizacije projekta „kućna njega“ na području općina Maglaj, Zavidovići i Doboj jug.

Nastavljena je saradnja sa srednjim školama gdje učešćem učenika ostvaruju se aktivnosti volontiranja u svim Merhametovim akcijama..

U saradnji sa Centrom za socijalni rad obilazak starih i iznemoglih lica u ruralnim područjima sa ciljem pružanja usluga mjerenja krvnog pritiska i šećera u krvi, kao i pomoći u životnim i higijenskim potrebštinama.

Rad MDD Merhamet je bio izuzetno izražen tokom pandemije 2020.godine, a svoje aktivnosti nastavili su istim intenzitetom i tokom 2021.godine. Z toku svog rada nastojali su prevazići sve prepreke i uspješno realizovati aktivnosti koje su postavljene pred njih.

Obzirom da se radi o pomoći i radu sa najosjetljivijim kategorijama stanovništva ova organizacija je uspjela realizovati sve postavljene aktivnosti ne samo za lica sa područja općine Maglaj nego i regiona.

II - Udruženja u društvenim oblastima:

1. UG „Gradski mješoviti hor“ Maglaj

UGMH Maglaj je najstarije Udruženje na području općine koje neprekidno djeluje. Do sada je održano preko 160 cjelovečernjih koncerata, potom učešće na mnogobrojnih humanitarnim koncertima, hor pjeva na 13 jezika svijeta i do sada je kroz hor prošlo 176 aktivnih članova. Hor na svom repetroaru ima preko 400 različitih kompozicija ili 80 sati neprekidnog pjevanja. Trenutno broji 48 članova, karakteristika ovog hora između ostalog je i ta što ga sačinjavaju članovi iz 4 grada tj. tri države. (Maglaj, Zenica, Sl. Brod – Hrvatska i Priboj – Srbija). Hor je do sada imao mnogo koncerata, te se smatra da je način na koji rade odražavaju put za njegovanje tradicionalnosti, kulturnih i radnih navika, upoznavanja kultura drugih naroda. Jednom riječju to je put da pravilno odgajamo mlade ljude, da u njima razvijaju plemenitost, dobrotu, da svi ljudi oko nas pravilno vrednuju kulturne i umjetničke vrijednosti, da kod mladih ljudi smanji se agresivnost, neukus, nezadovoljstvo i na taj način djelovanja i rada zaustave poplavu nekvalitetne kulture u našem gradu i našoj zemlji.

Pri udruženju djeluje i podmladak hora kojeg sačinjavaju učenici osnovnih škola sa područja naše općine, a iz tih redova svake godine se uzima 4 – 5 najboljih pojedinaca koji svoj rad dalje nastavljaju u Udruženju.

Stručnost osobe koja rukovodi ovim udruženjem je već mnogo puta dokazana i pored redovnog posla koji obavlja, ista je i recenzent u oblasti muzičke kulture tj. udžbenika za istu, a pored nje tu su i već gore pomenuti prof. Asim Horozić iz Tuzle, potom prof. Dževad Šabanagić, prof. Mehmed Bajraktarević, prof. Ognjen Bomoštar iz Sarajeva, Jovan Adamov iz Novog Sada i mnogi drugi koji su asistenti i spoljni saradnici hora.

2. UG „Fojničani“

Udruženje građana "Fojničani" je jedna od najaktivnijih nevladinih organizacija na području općine Maglaj tokom 2020 i 2021.godine, koja potiče i usmjerava sve građanske, socijalne, kulturno- umjetničke, sportske, ekološke, humanitarne i ostale, pozitivnim zakonskim propisima dozvoljene aktivnosti svoga članstva, a u cilju osiguranja i poboljšanja cjelokupnih uvjeta za život u lokalnoj zajednici koju sačinjava povratnička populacija.

Poboljšanje životnih uvjeta, prvenstveno na ruralnom području, kako bi se omogućio održivi o(p)stanak; Multikulturalno društvo jednakih prava za sve građane; Udruženje građana "Fojničani" kao prepoznatljivo ime u nevladinom sektoru i značajan faktor u pokretanju društvenih promjena u lokalnoj zajednici.

Udruženje građana "Fojničani" osnovano u naselju Fojnica u općini Maglaj neposredno nakon poplave u maju 2014 godine, kao istinski pozitivni primjer zajedničkog života i rada Bošnjaka i Hrvata čiji je prvotni cilj bio pomoći unesrećenim, a zatim i pokazati da sredina koja je svoje najteže momente prebrodila upravo uz pomoć volontera, to prepoznaje i cijeni na način da sama podržava i njeguje volonterizam kao jedan od glavnih temelja civilnoga društva.

Statutarnim ciljevima Udruženja posebno se naglašava prepoznavanje potreba lokalne zajednice i realizacija aktivnosti koji su usmjerene na zadovoljavanje tih potreba, te afirmiranje ljudskih, građanskih i socijalnih prava, odnosno promoviranje europskih i svjetskih vrijednosti u ovim oblastima. Strategija za ostvarenje ciljeva se temelji na rješavanju konkretnih problema u lokalnoj zajednici, ogromnom entuzijazmu, neumornom volonterizmu i upornom nastojanju da se pomogne ljudima, bez obzira na njihovo ime, vjeru i naciju. Nakon uspješno okončanih projekata sanacije elementarne nepogode, iniciranje i realizacija socijalno inkluzivnih projekata je zasigurno jedan od

prioriteta lokalne zajednice, što smo prepoznali kroz volonterski rad. Posebnu pažnju posvećuju ruralnom području koje drastično zaostaje za gradskim sredinama u mnogim a naročito socijalnim aspektima. S punim pravom se može reći da smo jedna od najaktivnijih organizacija civilnog društva na području Zeničko-dobojskom kantona, a da je volonterski rad itekako prepoznat govori činjenica da je Udruženje građana "Fojničani" nositelj Certifikata izvrsnosti američke ambasade u BiH, priznanja za iznimni volonterski angažman u izgradnji inkluzivnijeg, multikulturalnijeg i demokratskijeg društva u Bosni i Hercegovini.

Ovo udruženje je tokom 2020 i 2021. godine realizovalo niz projekata koji prvenstveno ima značaj mira i očuvanja životne sredine. Izuzetno mnogo rade na aktivnostima koje imaju za cilj očuvanja prirode i njenih ljepota, a pružaju pomoć i udruženjima sa maglajske i žepačke općine. Ono što je pored navedenog, uspjeh ovog udruženja svakako su projekti poput:

- Projekat Megara

Krajem oktobra mjeseca 2021.godine Oružane snage BiH bi trebale započeti razminiranje ulaza u pećinu Mokra Megara u Donjem Rakovcu, općina Maglaj nakon čega će UG Fojničani Maglaj s partnerima započeti sva potrebna istraživanja i proces zaštite ovog dragulja prirode. Obrazloženje za zaštitu će uključivati nove ali i dosadašnje nalaze brojnih znanstvenika i istraživača kojima je Mokra Megara oduvijek bila poseban izazov. Da je to tako dokazuju i fotografije članova Snik Atom Zavidovići iz 1983. godine. Nadamo se uskoro dobiti i fotografije istraživanja iz 1959 godine.

- Projekat Eko HUB

Na treći javni poziv za lokalne ekološke akcije i inicijative koji je kroz projekt Eko HUB Maglaj raspisalo UG Fojničani Maglaj, pristigle su 33 prijave, od kojih 16 iz Žepča, 9 iz Zavidovića, 7 iz Maglaja i jedna iz Usore. Iskreno bi bili najsretniji da možemo podržati sve volontere koji su aplicirali, ali nažalost tokom selekcije moramo odabrati samo dio predloženih akcija. U svakom slučaju, zahvaljujemo svima koji su se javili i pokazali da se unatoč brojnim drugim problemima Misli o prirodi.

Monitoring biodiverziteta na Spomeniku prirode Tajan" koji putem "Eko HUB Maglaj" podržava UG Fojničani Maglaj a realizira Snik Atom Zavidovići. Tokom monitoringa su zabilježeni brojni tragovi divljih životinja a posebno raduju snimci medvjeda i vidre s mladuncima. Značajan pokazatelj očuvanosti biodiverziteta su i kolonije ugroženih vrsta šišmiša. Inventarizacijom tise (*Taxus baccata*) na strmim liticama Tajana je zabilježeno više od 50 stabala. Svi ovi nalazi svjedoče da je Tajan još uvijek dobro očuvan ekosustav za čiji se zaštitu vrijedilo zalagati. U svakom slučaju, "Fojničani" i „Atomci“ nastavljaju s ovim i sličnim aktivnostima i u narednom periodu a oprema nabavljena za ovu inicijativu će, vjerujemo, još dugo služiti istraživanju ovog zaštićenog područja prirode. "Monitoring biodiverziteta na Spomeniku prirode Tajan" je realiziran u okviru projekta Misli o prirodi koji implementira Centar za promociju civilnog društva uz financijsku potporu Švedske.

Kadrovi divljeg svijeta Tajana snimljeni "foto-zamkama" u sklopu inicijative "Monitoring biodiverziteta na Spomeniku prirode Tajan", koju je uz podršku UG Fojničani Maglaj realizirao Snik Atom Zavidovići. I ova inicijativa je provedena u okviru projekta Misli o prirodi koji implementira Centar za promociju civilnog društva uz financijsku potporu Švedske

Docent doktor Jasminko Mulaomerović iz Centar za krš i speleologiju jedan je od najvećih poznavatelja šišmiša u Bosni i Hercegovini i regionu. Na Znanstveno-istraživačkom kampu "Matinski vis 2021." bio je mentor sekcije koja je, izučavajući ovu najugroženiju vrstu sisavaca u Europi, zabilježila fenomenalne

nalaze. "Na području Matinskog visa smo evidentirali čak 13 vrsta šišmiša od kojih su 4 ugrožene Natura 2000 vrste što svjedoči o izuzetnom biodiverzitetu ovog područja. Mužjak i ženka vrste *Plecotus austriacus* su tek 6. i 7. zabilježeni primjerci u Bosni i Hercegovini. S obzirom na to da na ovom području nema spilja, onda je jasno koliko su značajni ovi nalazi. Samo na temelju šišmiša, čak ne računajući i brojne druge vrijednosti biljnog i životinjskog svijeta na ovom području, Matinski vis apsolutno zaslužuje status zaštićenog područja prirode!", kazao je Mulaomerović.

- Učionica mira
Zajedno sa Austrijska ambasada u BiH – Sarajevo / Österreichische Botschaft Sarajewo podržali smo UG Fojničani Maglaj u uspostavljanju „Učionice mira“ na otvorenom u Bradićima/Fojnici. Svrha učionice koju su sagradili volonteri, na zemljištu koje je dodijelila Općina, je da okupi mlade u realizaciji vannastavnih aktivnosti. Drago nam je što smo dio ove divne, tople priče o zajedništvu i odlučnosti lokalne zajednice da stvara bolju budućnost za sve.
- Pomoć udruženjima sa područja općine Maglaj
UG Fojničani Maglaj uručilo je stol i opremu za stolni tenis mladima Mjesne zajednice Ulišnjak, Općina Maglaj. Ova donacija je rezultat dobre suradnje Fojničana i Kluba Ekstremnih Sportova "Jastreb", osobito na zaštiti prirode, razvoju biciklističkih staza i generalno našeg koncepta outdoor turizma pod nazivom 3C3NP, 3 cities, 3 nature parks, koji će vjerujemo dodatno povezati općine Maglaj, Žepče i Zavidovići.

3. UG „Gradski folklorni ansambl“ Maglaj

Gradski folklorni ansambl Maglaj je kulturno umjetničko društvo, čija je misija edukacija, promocija i očuvanje kulturne baštine naroda BiH. Osnovano je 1977. godine pod imenom Kud „Ljiljan“ a promjena imena izvršena 30.3.2006. godine pod imenom „Gradski folklorni ansambl“ iz Maglaja u Ministarstvu za pravosuđe i upravu Ze Do kantona.

Društvo sve aktivnosti obavlja isključivo na amaterskoj osnovi a finansira se od članarine prikupljene od članova na dobrovoljnoj osnovi, od sponzorstva i grantova odobrenih za projekte koji se uspješno realiziraju. Društvo okuplja cca 150 članova. Iza svog dosadašnjeg rada imaju veoma dobre rezultate prema kojima je ovo društvo jedno od najuspješnijih u BiH kao i široj regiji. Visoki kvalitet je potvrđen i u inostranstvu stečen na brojnim festivalima od državnih, balkanskih, europskih i svjetskih nivoa. Od 2006.godine „GFA“ je nastupio na 40 inostranih festivala u Turskoj, Francuskoj, Austriji, Njemačkoj, Hrvatskoj i Srbiji.

Osvojena priznanja su brojne plakete, medalje, trofeji, posebna odličja od nekih gradova i država. Sa ponosom ističu da su jedino udruženje u Maglaju koje je dobilo najveće općinsko priznanje Grb Maglaja. Na svim dosadašnjim nastupima promovisali su igre svih naroda BIH. Od svih dosadašnjih projekata ističu Internacionalni Festival folklor „Kolo na Bosanskom Ćlimu koji se uspješno održava 13. put. Maglaj su do sada posjećivali više od 500 mladih iz različitih zemalja koji su predstavljali igre, običaje i tradicionalne igre svojih naroda. Ovaj značajan festival su do sada svojim finansiranjem redovno podržavali Općina Maglaj, Kantonalno i Federalno ministarstvo za kulturu, Ministarstvo turizma i brojni donatori. Društvo je uspostavilo dobru saradnju sa brojnim društvima u zemlji i inostranstvu kao i općinama koje su uspostavile preko kulture trajne partnerske odnose. Sve do poplave 2014. godine su raspolagali sa zavidnom tehničkom opremom i više garnitura narodnih nošnji koje su poplavom u potpunosti uništene. Nadaju se da će i taj problem uz podršku ubrzo riješiti. Trenutno na korištenje Društvu svoje resurse pružaju škole i Dom kulture u Maglaju.

U realizaciji planskih aktivnosti učestvuje 70 aktivni članova raspoređenih u 3 grupe,

folklorna, dječiji i odrasli izvođački ansambl kao i ženska vokalna grupa, takođe se rad odvija i u prvoj osnovnoj školi u sekciji od 20 učenika od 6. do 9. razreda.

Tokom godine je izvršeno 80 proba, a održano 20 nastupa u Maglaju na školskim i općinskim manifestacijama, te festivalima u Bosni i Hercegovini i inostranstvu. Posebno ističu 2 značajna festivala na kojima su predstavljali Bosnu i Hercegovinu i bili istinski promotori tradicionalne kulturne baštine. Na prvom Balkanskom festivalu takmičarskog karaktera u glavnom Albanskom gradu Tirani učestvovala su društva iz 12 balkanski zemalja, a Bosnu i Hercegovinu je sa velikom čašću i ponosom predstavljalo 30 članova ovog udruženja.

Uspostavljena je i sekcija ženske vokalne grupe za izvođenje starogradskih pjesama i autentičnih sevdalinki, koja je svoju uspješnu promociju imala na festivalu u Doboj Istoku sa učešćem u koreografiji ansambla udruženja pod nazivom „Igre kraj bunara“. Kao i predhodnih godina društvo je imalo dobru saradnju sa mnogim društvima u Bosni i Hercegovini i inostranstvu. Tokom čišća na velikom Balkanskom i svjetskom fesivalu u Tirani i Mersinu sagrađeni su novi mostovi i uspostavljena nova interkontinentalna prijateljstva.

Najveća manifestacija u oblasti očuvanja folklorne tradicije u okviru Studentskog ljeta, internacionalni festival folklor „Kolo na Bosanom ćilimu“ na žalost nije bio organizovan tokom 2020 i 2021.godine zbog COVID-19. Ova manifestacija je potvrdila da je već odavno postala Maglajski pa i Bosansko Hercegovački brend po kvalitetu i sadržaju programa, broju učesnika i posjetilaca. Ovoga puta u Maglaju su se okupili najbolja društva iz cijele Bosne i Hercegovine, te su imali predstavnika Hrvatske i Graca –Austrija sa KUD „Bošnjak“ sa kojima gaje dobre kulturno prijateljske odnose od 2014. godine kada su za vrijeme poplave pritekli u pomoć.

Pored uobičajenog programa prava atrakcija je bilo zajedničko kolo na gradini u različitim narodnim nošnjama.

U radu najviše problema se imali tokom prošle godine u nedostatku adekvatnog prostora za vježbanje i čuvanje opreme, tako su mnoge probe odlagane i mijenjani termini i lokacije. Nedostatak volje i društvene odgovornosti u mnogim firmama za odsustva većine radnika koji su naši članovi, bili su prinuđeni otkazivati mnoge nastupe i ne prihvatati veliki broj poziva u BiH i inostranstvu.

4. HKUD „Gromovnik“

HKUD“Gromovnik“ Novi Šeher djeluje skoro 15 godina, i jedinoje udruženje koje brine o kulturnoj tradiciji Hrvata na prostoru općine Maglaj. Već 20-u godinu u Novom Šeheru organizira manifestaciju „Šehersko prelo“ koju već 7 godina organizira i u Zagrebu. Ovo je jedna od značajnih i masovnih manifestacija koju svake godine posjeti cca 1000 posjetitelja. Vrijedno je spomenuti da su posjetitelji udruženja u velikoj mjeri, povratnici sa novošeherskog kraja te osobe iz dijaspore. Manifestacija „Šehersko prelo“ je postalo sastavni dio obilježavanja patrona Župe „Sv. Ilija Prorok“ u Novom Šeheru, a održava se uvijek nedjeljom večer pred Ilinu koja je 20.07. svake godine.

Temeljni cilj je da se sačuva kulturno naslijeđe Hrvata općine Maglaj, ali i da se educiraju djeca i mladi o folklornim igrama, tradicionalnim instrumentima te da se promoviraju i stara tradicionalna jela novošeherskog kraja. Sve ovo znatno doprinosi promociji kulturnog, vjerskog i gastro turizma općine Maglaj te kroz sklapanje novih prijateljstava i promoviranje našeg folkloru u BiH i inozemstvu.

Projektom su uglavnom obuhvaćena djeca, mladi ali i starije osobe od kojih se može najviše naučiti o svojoj tradiciji. Preko 250 aktivnih sudionika ovog Projekta je uključeno u ove aktivnosti, a svake godine Šehersko prelo posjeti preko 1000 posjetitelja. Dobar dio ovih posjetitelja, kao i aktivnih sudionika u programu su povratnici ili naši ljudi iz dijaspore, a dio istih su i osobe sa invaliditetom. Ovo je vrlo važan kulturni događaj za sve nas.

Realizacijom Projekta svi članovi HKUD“Gromovnik“ imaju snažan poticaj da cijelu

godinu rade još bolje jer su jako sretni što svoje umijeće mogu prezentirati i promovirati na tako velikom skupu ljudi.

Za Hrvate općine Maglaj ovo je važan i najznačajniji kulturni događaj tijekom godine jer ovim programom dodatno obogaćuju obilježavanje patrona župe-Ilina kada dolaze brojni župljani i prognanici iz dijaspore, te brojni posjetitelji iz susjednih župa. Na ovaj način čuvaju tradiciju i ovo je, poslije Studenskog ljeta, zasigurno najmasovnije okupljanje publike na jednom kulturnom programu u općini Maglaj.

Jedan od najznačajnije realizovanih projekata pod nazivom „Onima koji dolaze“ podrazumjevaio je snimanje tri CD-a u cilju prezentacije rada udruženja i očuvanja starih tradicionalnih običaja hrvatskog stanovništva. Snimano je na tri lokacije, i to: Mladoševica, Strupina i Žepče. Organizovani su i kursevi za sviranje šargije i violine, a bili su i gosti na radio emisiji BH radio 1.

5. UG „Cicmanke“

Osnovano je 1999. godine kao potreba povratničke zajednice u Novom Šeheru sa osnovnim ciljem poboljšanja društvenog i ekonomskog statusa žene i njene porodice te neprijekorne pomoći široj društvenoj osnovi, a sve to na volonterskoj osnovi.

Udruženje je tokom svog dugogodišnjeg rada realizovalo niz projekata koji se mogu svrstati kao veom uspješni.

Tokom pandemije u protekloj 2020.godini maksimalno su bili angažovani na suzbijanju pandemije i očuvanju zdravlja ljudi u smislu izrade zaštitivih maski i sl.

Tokom realizacije projekta organizovan je niz kulturnih događaja s ciljem podizanja svijesti građana u oblasti kulture i očuvanja tradicije.

Tokom niz godina udruženje realizuje i projekat „Obilježavanje međunarodnog dana u oktobru“ kroz humanitarne djelatnosti, unapređenje standarda žene na selu, promovisanje zdrave hrane. Potreba obilježavanja i podizanja svijesti građana o Svjetski dan žena na selu, Svjetski dan borbe protiv siromaštva i Svjetski dan hrane. U projektu pokušavaju skrenuti pažnju javnosti na važnost žene na selu i siromašnih građana. Seoske žene nisu dovoljno prepoznate u našem društvu, a seoske žene čine četvrtinu svjetske populacije i proizvode oko 50 % hrane na planeti. Ciljne grupe su žene među kojima ima i bolesnih, invalidnih osoba, kornika javne kuhinje, ugroženih siromašnih porodica.

Potrebno je napomenuti da je ovo udruženje jedno od aktivnijih na teritoriji općine Maglaj. Također jako pohvalna saradnja koju održavaju jeste sa zeničkim udruženjem Medica.

6. UG u borbi protiv dijabetesa

Udruženje svojim radom nastoji dati svoj doprinos unapređenju prevencije komplikacija dijabetesa na teritoriji općine Maglaj. Njihovi projekti uglavnom se odnose na aktivnosti da se osvjeste građani o značenju dijabetesa kao i načinu borbe sa njim, te da u saradnji sa JU Dom zdravlja Maglaj i endokrinolozima obezbjede kontrolu glikoziliranog hemoglobina, te dolazak endokrinologani pregleda za najugroženije pacijente.

Ciljne grupe kao što je napomenuto su građani općine Maglaj koji će imati priliku besplatno vršiti mjerenje šećera, a sve u svrhu doprinosa boljeg zdravstvenog stanja, a poseban akcenat stavljen je na mlade.

Udruženje za borbu protiv dijabetesa Maglaj ovim projektom nastoji da da svoj doprinos unapređenju prevencije komplikacija dijabetesa u općini Maglaj kroz nekoliko aktivnosti. Prije svega, u partnerstvu sa JU Dom zdravlja Maglaj želi dva puta tokom godine počevši od marta pa sve do decembra obezbjediti kontrolu glikoziliranog hemoglobina, kao i savjetovanje za najugroženije pacijente. Daje se mogućnost i mladim ljudima da budu uključeni u akcije, kako bi stekli određenu edukaciju, ali i širili svijest o značaju prevencije ove bolesti.

7. UG Eko pokret

Od samog osnivanja ovog udruženja počev od 2000. godine ono egzistira na bazi saradnje sa stranim i domaćim donatorima u cilju poboljšanja ekološke svijesti kod građana. Veliki je niz projekata koje je ovo udruženje realizovalo tokom proteklih godina a najznačajnija su uzgoj i plasiranje eko bilja, zaštita rijeke Bosne, sadnja novih sadnica na općini Maglaj, obuka građana za izradu komposta, izrada suvenira od eko sirovina, postavljanje eko lokacija za oglašavanje i sl. Jedna od tih aktivnosti su svakako i aktivnosti vezane za očuvanje 68 stogodišnjih platana u Maglaju, koji su zasađeni za vrijeme Austrougarske, te podizanje i oplemenjivanje novoizgrađenih staza stradalih za vrijeme poplava 2014. godine.

Održavani su i okrugli stolovi na kojima su učestvovali pored predstavnika Šumarskog fakulteta Sarajevo i predstavnici općine Maglaj, KJD Maglaj, članovi Eko sekcija i drugih nevladinih organizacija koji je ujedno potaknuo neminovnu saradnju Općine i civilnog društva po pitanju očuvanja platana. Također, zasađeno je 150 bijelih lipa, te postavljene klupe za odmor i kante za otpad na novoizgrađenom šetalištu uz rijeku Bosnu koja je bila potpuno uništena za vrijeme poplava 2014. godine.

„Eko Maglaj“ u svom radu pridaje veliku važnost ulozi mladih pri očuvanju okoliša i njihovom učešću pri realizaciji projekata. Tako u okviru projekta „Život za sve“ konstantno rade Eko sekcije 5 škola sa područja općine Maglaj, proizvođači suvenire sa obilježjem Maglaja i oznakama platana. U prethodnom periodu su organizovani i info štandovi sa članovima Eko sekcija, koji su obavili podjelu brošura i izvršili video anketu sa građanima Maglaja.

Ono čime se ovo udruženje može ponositi je svakako i ulazak njihovog člana Sanje Pavlić u Upravni odbor za odabir projekata koja se finansiraju iz sredstava EU fondova.

8. UG „Mreža mladih“ Kopice

Udruženje je osnovano 2018.godine kao udruženje mladih sa osnovnim programom djelovanja koje se odnosi na:

- Zagovaranje za poboljšanje položaja mladih u svim životnim oblastima kroz izradu različitih vrsta projekata (edukativne radionice za djecu starosne dobi 13 godina, izgradnja i realizacija projekata kulturno- zabavne svrhe, s ciljem podizanja svijesti o važnosti igre i druženja u razvoju djece).
- Uključivanje mladih u rad općinskih organa
- Unapređenje ekološke svijesti i iniciranje i podrška ekoloških aktivnosti, smanjenje deponija u seoskim predjelima.
- Promocija kulturnog stvaralaštva mladih te podrška u razvoju kreativnih i umjetničkih vještina mladih ljudi.
- Podizanje nivoa opće informisanosti mladih te njihove uključivanje i aktivno djelovanje u strukturama javnog mnijenja, na svim nivoima.

Udruženje „Mreža mladih“ Kopice osnovano je s ciljem da najveći dijelom pomogne svojoj lokalnoj zajednici.

Prvi poduhvat i ideja čiji su kreatori bili sami članovi Udruženja bile su radionice za djecu.

Svake subote a ponekad i nedjelje organizovale su se radionice za djecu. U prostorijama mjesne Džamije, gdje je postojala iznajmljena kancelarija u kojoj se sadržaj prilagodio djeci. Obzirom da je mjesna zajednica Kopice udaljena 25 kilometara od grada, te da su djeca najvećim dijelom ostavljena kod majki i djedova na čuvanju, željeli smo im pružiti sliku vrtića, koji je u suštini svakodnevica za djecu iz područja bližim gradu.

Radionice su za kratko vrijeme postale previse posjećene za samu veličinu prostorije, a iste je moralo voditi svaki puta više od tri djevojke. Posjećenost je znala bit i preko 40 tero

djece.

Djeca su ali i roditelji, iščekivali vikende za druženje. Tu smo crtali, bojali, igrali društvenih igara, radili zadaće i sl. Kao znak zahvalnosti nerijetko su roditelji svake radionice donosili slatkiše za mališane, a nekada i više roditelja odjednom. Djevojke su vikendima na smjene predavale i držale radionice besplatno. Znali smo tu pogledati i crtić, popiti čaj i pojesti užinu, a sve od ovisnosti programa koji je ekipa predviđena za taj vikend kreirala.

Radionice su bile aktivne sve do početka virusa. Sada se napravila pauza zbog bezbjednosti roditelja al i djece.

U međuvremenu udruženje je redovno provodilo akcije u cilju djelovanja mladih u lokalnoj zajednici, a neke od aktivnosti odnosile su se na:

- Podjela privjesaka za datume Domovine
- Akcija najstariji i najmlađi član u mjesnoj zajednici (poklon paketi)
- Humanitarne akcije
- Organizovanje dječijih turnira muško-ženskih
- Podjela novogodišnjih paketića svake godine, uz pomoć Općine, članova i donatora.
- Organizovanje natječaja u literarnim radovima, jedan od njih je bio na temu Dan Džamija, kada smo svim učesnicima dodijelili nagradu u vidu tespiha sa imenom a za prva tri mjesta značajnije nagrade.
- Obilježavanje značajnih datuma posjećujući lokacije.
- Obilasci najstarijih za vrijeme bajramskih praznika..
- Crtež za djecu u Italiji na temu – SVE ĆE BITI UREDU gdje su mališani dobili crteže koji su bojili i poslali javnosti svoju sliku, te kao nagradu za urađen zadatak dobili slatkiše.
- Paketi bolesnim u doba pandemije.

Jedan od najznačajnijih poduhvata i projekata bilo je upravo dječije igralište. Na istom je rađeno nekoliko mjeseci ali na samom kraju mališani su dobili prvo dječije igralište nakon rata. Ogradnja sportskog poligona i postavljanje reflektora.

Kupujmo domaće – kupujmo 387 - čas na radionici za mališane o podizanju svijesti kupovinom proizvoda 387 . U pomenutoj akciji smo stupili u kontakt sa kompanijama poput Violete, Oaza, Madi, Plantago, Marina domaći keksovi itd. Dobili smo mnogo proizvoda koje smo nakon dvosedmičnih časova upakovali učesnicima radionica.

Ramazanski iftari gdje se znalo podijeliti i do 200 stotine iftara

9. UG „Sub castro nostro – Pod našom tvrđavom“ Maglaj

Sa svojim radom tokom 2020 i 2021.godine UG „Sub castro nostro – pod našom tvrđavom“ Maglaj je pokazalo opravdanost svoj postojanja i djelovanja. Takođe su jedno od najaktivnijih udruženja koja djeluju na prostoru Općine Maglaj. U vrijeme pandemije stavili su se na raspolaganje da kao volonteri pomognu ustanovama i institucijama, kao i ostalim organizacijama koja su imala za cilj pružanja pomoći i djelovanja u vrijeme krize. Svojim aktivnostima dali su doprinose u obilježavanju značajnih datuma na području Općine Maglaj. Brojne su aktivnosti koje je ovo udruženje realizovalo tokom protekle godine, a jedno od njih je projekat „Nešto među nama“. Projekat se realizira u okviru USAID-ovog projekta PRO-buducnost.

U periodu od 11. Do 13. juna udruženje je realizovalo svoj prvi kamp za mlade pod nazivom "Nešto među nama". Kamp je održan u Eko centru Živkovići, na planini Ozren, a zbližio je mlade ljude iz tri lokalne zajednice - Maglaj, Žepče i Doboje. Na oko 600 metara nadmorske visine u prelijepoj prirodi i ambijentu eko centra, provodili su aktivnosti, družili se i razgovarali sa predavačima koji su vršili obuku na temu prirode, njenog očuvanja i snalaženja u prirodi.

U periodu od 23. Do 25. jula udruženje je realizovalo drugi modul kampa za mlade pod nazivom "Nešto među nama". Nakon prvog modula koji je u mjesecu junu održan na Ozrenu, drugi modul je održan na planinarskom domu Ošve te je okupio preko 30 mladih ljudi iz nekoliko lokalnih zajednica. Tri dana druženja u prirodi uz nastavak edukacije o očuvanju prirode.

Članovi udruženja učestvovali su na trodnevnom treningu pod nazivom „Izgradnja mira i jačanje organizacijskih kapaciteta“, koji je namijenjen korisnicima grantova projekta PRO-Budućnost. Organizator treninga, koji se održao se 23.-25.06.2021. godine na Jahorini, je Institut za razvoj mladih KULT. U sklopu trodnevnoga događaja učesnici treninga intenzivno su radili na jačanju kapaciteta i znanja o procesima lobiranja i zagovaranja, omladinskog aktivizma, upravljanja kriznom situacijom i upotrebi društvenih medija u svrhu promocije aktivizma, a sve u skladu s pravilima i kriterijima USAID-a. Ovaj događaj dio je projekta Američke agencije za međunarodni razvoj (USAID) Povjerenje, razumijevanje, odgovornost za budućnost (PRO–Budućnost) kojeg implementira humanitarna i razvojna agencija Catholic Relief Services (CRS), u partnerstvu s Institutom za razvoj mladih KULT, Caritasom Bosne i Hercegovine, Forumom građana Tuzla, Helsinškim parlamentom građana Banja Luka i Međureligijskim vijećem u BiH.

1.juna obilježena je godišnjica pogibije dvojice danskih humanitaraca Džimi Nigarda i Nilsa Bromanda (Jimmi Nigard i Niels Bromand) kod tunela Sikola. Ovi mladići poginuli su u jednom neprijateljskom granatiranju prilikom dopreme humanitarne pomoći za stanovnike Maglaja. Spomen obilježje sada krasi i 41 sadnica bora, koje su zasadili članovi Udruženja. Ovu aktivnosti realizovali su u saradnji sa KJD, EKO pokretom Maglaj, MZ Maglaj grad i sekcijom mladih antifašista. Sadnice bora zasađene su u obliku dva srca, u jednom je 20, a u drugom 21 sadnica, baš koliko su godina imali Džimi i Nils kada su poginuli. Ostatak sadnica zasađene su na partizanskom groblju Čakalovcu.

Povodom druge godišnjice postojanja Udrženja nastao je i dokumentarni film "Pod našom tvrđavom". Film opisuje radi i razvoj Udruženja kroz protekle dvije godine.

Održana je i radionica od strane Udruženja "Pravi požar" pod nazivom "Veterani i mladi". Udruženje "Pravi požar" kontaktiralo je naše udruženje pozivom na saradnju, a tema radionice bila je razgovor mladih sa veteranima iz tri različite armije (ARBiH, VRS, HVO) i dešavanjima iz zadnjeg rata kao i budućnosti mladih u Bosni i Hercegovini.

Navodeći primjere iz prošlosti ukazali su na poteškoće ali i na traume sa kojima se i sada suočavaju. Istakli su i pozitivne primjere života sa drugim narodima u svom okruženju.

Moramo napomenuti da je ovo udruženje svojim aktivnostima obilježilo na simboličan način sve državne i vjerske praznike.

Udruženja u poljoprivrednoj i privrednoj oblasti

1. UG za uzgoj i zaštitu sitnih životinja

Udruženje za uzgoj i zaštitu sitnih životinja „Maglaj“ Maglaj je orjentisano na uzgoj i zaštitu sitnih životinja, organizovanje raznih izložbi sitnih životinja na području općine, kao i učestvovanje na izložbama u okruženju i u cijeloj BiH. Članovi Udruženja su sa područja cijele općine Maglaj. Projekti koje rade su uglavnom fokusirani na jačanje kapaciteta nevladinog sektora u oblasti poljoprivrede sa akcentom na uzgoj i zaštitu sitnih životinja.

Rad ovog udruženja u 2020/2021.godini može se ocijeniti kao veoma uspješan. Uključivanje i upoznavanje građanstva, a posebno mladih sa naukama ornitologije i zoologije kroz uzgoj i zaštitu sitnih životinja, sa posebnim

apektom na odvajanje mladih od loših uticaja i poroka, te omasovljenja i edukacije mladih i ostalih građana njihov je cilj u svim projektima.

Udruženje za uzgoj i zaštitu sitnih životinja "MAGLAJ" je u januaru mjesecu 2017. godine pokrenulo svoj rad, nakon više od 3 decenije pauze, te trenutno broji oko 130 članova od kojih je 70 djece, učenika osnovnih škola (dječaci i djevojčice).

Za veoma kratko vrijeme svog djelovanja udruženje je postalo prepoznatljivo na području općine Maglaj, pa i šire te je ravnopravna članica Saveza za uzgoj i zaštitu sitnih životinja BiH i naši članovi postižu zavidne uspjehe širom BiH.

U njihovom djelovanju prvenstveno je zapaženo da djecu i mlade na području naše općine su zanimaju razne aktivnosti vezane za uzgoj i zaštitu sitnih životinja, a dosadašnja predavanja koja su ostvarili u saradnji sa „Prvom osnovnom školom“, Osnovnom školom „Maglaj“, Osnovnom školom „Novi Šeher“, su ukazala na veliku želju djece za upoznavanjem sa uzgojem i zaštitom sitnih životinja, te edukacijom o istom i odvajanja od svakodnevnih životnih navika.

2. UG "JEDINSTVO"

UG "JEDINSTVO" Maglaj, sa adresom MZ Bočinja, Maglaj. Predsjednik Udruženja je Vaso Zekić. U projektu „Mercy Corps“ dobili su modernu sušaru za sušenje voća, ljekovitog šumskog bilja i gljiva, kao i određen broj plastenika za plasteničku proizvodnju povrća. Članovi Udruženja su uglavnom mještani mjesnih zajednica Bočinja i Krsno polje – Bakotić. Radi se o Udruženju koje je fokusirano na ruralni razvoj, proizvodnju voća i povrća i na skupljanje ljekovitog bilja.

3. UG "COW-HOW"

UG "COW-HOW" Maglaj sa adresom Čobe, Maglaj. Predsjednik Udruženja Munib Jusufbašić. Udruženje je orjentisano na proizvodnju sirovog kravljeg mlijeka, ruralni razvoj i opću poljoprivrednu proizvodnju na području novošeherskog kraja. Članovi Udruženja su uglavnom mještani mjesnih zajednica Čobe, Kopice i Novi Šeher. Projekti koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede

4. UG "PČELAR"

UG "PČELAR" Maglaj, predsjednik Udruženja Ekrem Suljaković. Udruženje je orjentisano na proizvodnju meda i jačanje članova udruženja kroz ruralni razvoj na području cijele općine. Članovi Udruženja su svi pčelari koji žele da budu članovi Udruženja sa područja općine Maglaj. Iz Budžeta/Proračuna općine Maglaj u 2018. godini Udruženju je odobreno 1.400,00 KM za sufinansiranje projekta iz oblasti poljoprivrede pod nazivom "Zaštita i valorizacija tradicionalnih poljoprivrednih proizvoda" koji je uspješno realiziran.

5. UG "AGRO-LIJEŠNICA"

UG "AGRO-LIJEŠNICA" Liješnica, Maglaj. Predsjednik Udruženja je Čamić Elvir. Udruženje je orjentisano na proizvodnju povrća u plastenicima i na otvorenom, uzgoj i proizvodnju voća, ruralni razvoj i opću poljoprivrednu proizvodnju na području cijele MZ Liješnica. Članovi Udruženja su uglavnom mještani mjesnih zajednica Liješnica, Tujnica i Međići. Projekti koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede. Iz Budžeta/Proračuna općine Maglaj u 2018. godini Udruženju je odobreno 1.500,00 KM za sufinansiranje projekta

iz oblasti poljoprivrede pod nazivom „Jačanje kapaciteta poljoprivrednih proizvođača kroz proizvodnju povrća u plastenicima i na otvorenom“ koji je uspješno realiziran. Trenutno implementiraju projekat „U svom domu uz našu pomoć“ finansiran od strane UNDP Projekta „ReLOaD“.

6. UG “Eko Behar Ravna“

UG “Eko Behar Ravna“ Ravna, Maglaj. Predsjednik Udruženja je Ismet Suljić. Udruženje je orjentisano na proizvodnju povrća u plastenicima i na otvorenom, proizvodnju i očuvanje autohtonih sorti voća, ruralni razvoj i opću poljoprivrednu proizvodnju na području MZ Ravna. Članovi Udruženja su uglavnom mještani MZ Ravna. Projekte koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede. Iz Budžeta/Proračuna općine Maglaj u 2018. godini Udruženju je odobreno 1.500,00 KM za sufinansiranje projekta iz oblasti poljoprivrede pod nazivom „Poljoprivredna proizvodnja u ruralnim područjima općine“ koji je uspješno realiziran.

7. Zemljoradnička zadruga „Milk-Maglajka“

Zemljoradnička zadruga „Milk-Maglajka“ Maglaj. Direktor ZZ Šefik Riđal. Zemljoradnička zadruga je orjentisana na proizvodnju sirovog kravljeg mlijeka, kao i manjim dijelom na proizvodnju povrća u plastenicima i na otvorenom, proizvodnju voća, ruralni razvoj i opću poljoprivrednu proizvodnju na području općine Maglaj. Članovi ZZ su sa područja cijele općine Maglaj. Projekte koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede. Iz Budžeta/Proračuna općine Maglaj u 2018. godini ZZ je odobreno 1.500,00 KM za sufinansiranje projekta iz oblasti poljoprivrede pod nazivom „Jačanje kapaciteta poljoprivrednih proizvođača u ruralnim područjima općine kroz proizvodnju sirovog kravljeg mlijeka“ koji je uspješno realiziran

8. Zemljoradnička zadruga "KULA"

Zemljoradnička zadruga "KULA" Strupina, Novi Šeher, Maglaj, direktor Pero Mamić. Zemljoradnička zadruga je orjentisana na proizvodnju povrća, jagodičastog voća, proizvodnju povrća u plastenicima i na otvorenom, proizvodnju voća, ruralni razvoj i opću poljoprivrednu proizvodnju na području općine Maglaj. Članovi ZZ su sa područja novošeherskog kraja. Projekte koje rade su uglavnom fokusirani na poljoprivrednu proizvodnju i jačanje kapaciteta nevladinog sektora u oblasti poljoprivrede

9. UG „Eko prijatelji Bočinja“

Ovo udruženje je novoformirano. Tačnije osnovano je tokom 2018. godine sa ciljevima koji između ostalog vode ka stvaranju uslova za integraciju interno raseljenih lica i povratnika, pokretanje i podrška procesu uspostavljanja zajedničkog života, povjerenja i tolerancije među građanima, zalaganja za podizanje i unapređenje ekološke svijesti kod građana i zaštite životne sredine i sl.

I do sada su se javljali na Javne pozive općine Maglaj i ReLOaD program, gdje su ostvarili uslove na lokalnom nivou da realizuju projekat pod nazivom „Shvati me“ koji se završava krajem 2019. godine

Tokom 2018. godine nisu dobijali sredstva jer nisu ni podnosili zahtjeve obzirom da su tokom 2018. godine i formirani. Odobrena sredstva po dostavljenom projektu u 2019.godini iznose 1.500,00 KM za realizaciju projekta „Shvati me“ koji ima za cilj poboljšanje uslova života i rada povratnika kroz bavljenje

poljoprivrednom proizvodnjom, a kroz projekat će se organizovati niz sadržaja u cilju obuke povranika kako i na koji način iskoristiti soje prirodne resurse.

Po informacijama koje posjeduje nadležna općinska služba tokom 2020-2021. godine, prestali su sa radom:

- 4 poljoprivredna udruženja
- 3 sportska kluba
- 2 boračka udruženja
- 3 privredna udruženja
- 3 udruženja građana po osnovu građanskih aktivnosti

Odnosno Rješenjem Ministarstva za pravosuđe i upravu ZDK su brisana iz registra udruženja.

Na osnovu navedenog, može se reći da na području Općine Maglaj NVO možemo podijeliti u tri kategorije:

1. NVO koji svojim aktivnostima i rezultatima doprinose razvoju općine Maglaj. To su ona udruženja koje svoje aktivnosti provode u skladu sa Strategijom razvoja općine, u skladu sa odlukama o obilježavanjima značajnih datuma na općini, kao i aktivnostima koje provode u koordinaciji sa općinom gdje se jednim dijelom i sufinansiraju za realizaciju svojih aktivnosti;
2. NVO koje svojim radom promovišu svoje aktivnosti ali iste provode bez finansiranja ili sufinansiranja iz Budžeta Općine Maglaj, odnosno svoje aktivnosti provode bez učešća općine u bilo kom obliku;
3. NVO za koje općina i ne zna da postoje, odnosno NVO koje djeluju samo na papiru.

Treba napomenuti, da se udruženja građana formiraju samostalno, bez dodatnih saglasnosti nadležne općine, što u stvari daje mogućnost da ko god poželi i ima imalo uslova i želje za formiranjem nekog udruženja to može uraditi bez većih poteškoća.

Općina Maglaj u narednom periodu, tokom 2022.godine, ima namjeru provest aktivnosti gdje će pozvati sva udruženja registrovana na općini Maglaj, da se prijave u nadležne općinske službe i izvrše evidenciju udruženja, kako bi se u narednom periodu imala jasnija slika oko njihovog rada i funkcionisanja. Naravno, pretpostavka je da će i tada samo određeni broj udruženja izvršiti svoju evidenciju, ali će se i na taj način pokazati djelovanje i rad formiranih udruženja.

Ova Informacija ima za cilj informisati Općinsko Vijeće o NVO koje još uvijek djeluju na području Općine Maglaj. Poznato nam je da na području naše općine na papiru djeluje mnogo više udruženja, ali Općina Maglaj za određeni broj njih nema nikakvih informacija, nego tek kad od strane Ministarstva za pravosuđe i upravu ZDK su brisana iz registra udruženja tada i dobijemo informaciju da je postojalo.



NAČELNIK OPĆINE
Mirsad Mahmutagić